

საქართველოს ტექნიკური უნივერსიტეტის
სენატის

2012 წლის 12 აპრილის №5 სხდომის

ბ ა დ ა წ ყ ვ ე ტ ი ლ ე ბ ა №5

საქართველოს ტექნიკური უნივერსიტეტის სენატის 2012 წლის 12 აპრილის №5 სხდომაზე წარმოდგენილ იქნა აკადემიური საბჭოს მიერ შემუშავებული ცვლილებები და დამატებები, შესატანი წარმომადგენლობითი საბჭოს მიერ 2012 წლის 10 იანვარს დამტკიცებულ „არასამეწარმეო (არაკომერციული) იურიდიული პირის – საქართველოს ტექნიკური უნივერსიტეტის მართვის ორგანოების (მმართველი სუბიექტების) არჩევნების ჩატარების შესახებ დებულებაში“.

სენატმა გადაწყვიტა:

1. დამტკიცდეს არასამეწარმეო (არაკომერციული) იურიდიული პირის – საქართველოს ტექნიკური უნივერსიტეტის მართვის ორგანოების (მართველი სუბიექტების) არჩევნების შესახებ დებულებაში ცვლილებები და დამატებები.
2. ეთხოვოს სტუ-ს საარჩევნო კომისიის თავმჯდომარეს პროფ. ნ. ნაცვლიშვილს, პროფ. ლ. იმნაიშვილთან ერთად, უზრუნველყოს არჩევნების შესახებ დებულებაში შეტანილ ცვლილებებთან დაკავშირებით ფაკულტეტების საარჩევნო კომისიის წევრებისათვის შესაბამისი ტრენინგების ჩატარება.
3. ეთხოვოს ფაკულტეტების საარჩევნო კომისიებს არჩევნების შესახებ დებულებაში შეტანილი ცვლილებები გააცნოს ფაკულტეტების საბჭოს წევრებს.

სტუ-ს სენატის სპიკერი,

პროფესორი ჯემალ გახოკიძე

დ ე ბ უ ლ ე ბ ა

არასამეწარმეო (არაკომერციული) იურიდიული პირის - საქართველოს ტექნიკური უნივერსიტეტის მართვის ორგანოების (მმართველი სუბიექტების) არჩევნების ჩატარების შესახებ

წინამდებარე დებულება "უმაღლესი განათლების შესახებ" საქართველოს კანონისა და არასამეწარმეო (არაკომერციული) იურიდიული პირის - საქართველოს ტექნიკური

უნივერსიტეტის (შემდგომში "უნივერსიტეტი") წესდების საფუძველზე განსაზღვრავს უნივერსიტეტისა და უნივერსიტეტის ძირითადი საგანმანათლებლო ერთეულის - ფაკულტეტი/სკოლა (შემდგომში "ფაკულტეტი") არჩევითი მართვის ორგანოების (მმართველი სუბიექტების), ასევე უნივერსიტეტის ბიბლიოთეკის (შემდგომში "ბიბლიოთეკა") დირექტორის არჩევის წესებს.

თავი I. უნივერსიტეტის და ფაკულტეტის არჩევითი მართვის ორგანოებისა და მმართველი სუბიექტების არჩევნების ზოგადი პრინციპები

მუხლი 1. არჩევითი მართვის ორგანოები (მმართველი სუბიექტები)

1. უნივერსიტეტის არჩევითი მართვის ორგანოებია (მმართველი სუბიექტებია): აკადემიური საბჭო, სენატი, რექტორი და უნივერსიტეტის ხარისხის უზრუნველყოფის სამსახურის ხელმძღვანელი.
2. ფაკულტეტის არჩევითი მმართველი სუბიექტია დეკანი.

მუხლი 2. არჩევითი მართვის ორგანოების (მმართველი სუბიექტების) არჩევის წესი

1. რექტორის, უნივერსიტეტის ხარისხის უზრუნველყოფის სამსახურის ხელმძღვანელის და დეკანის არჩევა ხდება ფარული კენჭისყრით, პირდაპირი, თავისუფალი და თანასწორი არჩევნების საფუძველზე, ღია კონკურსის წესით, რომელიც უნდა შეესაბამებოდეს გამჭვირვალობის, თანასწორობისა და სამართლიანი კონკურენციის პრინციპებს.
2. უნივერსიტეტის აკადემიური საბჭოსა და სენატის არჩევა ხდება ფარული კენჭისყრით, პირდაპირი, თავისუფალი და თანასწორი არჩევნების საფუძველზე, გამჭვირვალობის, თანასწორობისა და სამართლიანი კონკურენციის პრინციპების გათვალისწინებით.
3. აკადემიური საბჭოს წევრებს ირჩევენ შესაბამისი ფაკულტეტის აკადემიური პერსონალისა და ფაკულტეტის საბჭოს წევრ-სტუდენტთა თვითმმართველობის წარმომადგენლები.
4. სენატში ფაკულტეტის აკადემიური პერსონალის წარმომადგენლებს ირჩევს შესაბამისი ფაკულტეტის აკადემიური პერსონალის ყველა წევრი, ხოლო სტუდენტების წარმომადგენლებს – ფაკულტეტის ყველა სტუდენტი, მათ შორის დოქტორანტი. ასისტენტ-პროფესორი, რომელიც იმავდროულად არის დოქტორანტი, უფლებამოსილია, საკუთარი სურვილით, მონაწილეობა მიიღოს შესაბამისად, ან აკადემიური პერსონალის ან სტუდენტთა წარმომადგენლების არჩევაში, რისთვისაც იგი ვალდებულია გაიაროს რეგისტრაცია ამომრჩეველთა შესაბამის სიაში ამ დებულების 26-ე მუხლის მე-5 პუნქტით დადგენილი წესით.
5. რექტორის და უნივერსიტეტის ხარისხის უზრუნველყოფის სამსახურის ხელმძღვანელის არჩევა ხდება აკადემიური საბჭოს მიერ.
6. ფაკულტეტის დეკანს ირჩევს შესაბამისი ფაკულტეტის საბჭო, აკადემიური საბჭოს წარდგინებით.

მუხლი 3. ბიბლიოთეკის დირექტორის არჩევის წესი

ბიბლიოთეკის დირექტორის თანამდებობაზე არჩევა ხდება აკადემიური საბჭოს მიერ ღია კონკურსის წესით, ფარული კენჭისყრით, რომელიც უნდა შეესაბამებოდეს გამჭვირვალობის, თანასწორობისა და სამართლიანი კონკურენციის პრინციპებს.

მუხლი 4. არჩევნების დანიშვნისა და გამოცხადების წესი

1. უნივერსიტეტის რექტორის, სენატის, უნივერსიტეტის ხარისხის უზრუნველყოფის სამსახურის ხელმძღვანელისა და დეკანის, ასევე ბიბლიოთეკის დირექტორის მორიგი არჩევნები ტარდება 4 წელიწადში ერთხელ. როგორც წესი, აკადემიურ საბჭოს შემადგენლობის განახლებისას (წევრთა ნახევრის უფლებამოსილების ვადის გასვლის გამო წარმოქმნილი ვაკანსიის შევსებისას) მორიგი არჩევნები ტარდება ამავე პერიოდულობით. გამონაკლისს წარმოადგენს აკადემიური საბჭოს რიგით მეორე არჩევნები, როდესაც უფლებამოსილების ვადა წევრთა ნახევარს ეწურება 3 წელიწადში.
2. აკადემიური საბჭოსა და სენატის არჩევნებს ნიშნავს უნივერსიტეტის რექტორი, ხოლო რექტორის, უნივერსიტეტის ხარისხის უზრუნველყოფის სამსახურის ხელმძღვანელის, ბიბლიოთეკის დირექტორისა და დეკანის არჩევნებს ნიშნავს აკადემიური საბჭო.
3. არჩევნების ჩატარების შესახებ მიღებული აქტები უნდა იყოს ყველასთვის ხელმისაწვდომი და საჯარო გაცნობის მიზნით, განცხადების სახით უნდა გამოიკრას უნივერსიტეტის თვალსაჩინო ადგილებში, ასევე, უნდა განთავსდეს უნივერსიტეტის ვებ-გვერდზე და გამოქვეყნდეს ბეჭდვითი მედიის ორგანოში (ღია კონკურსის შემთხვევაში).
4. განცხადებაში აღინიშნება კანდიდატების რეგისტრაციის დაწყების თარიღი, განცხადებების მიღების ბოლო ვადა, არჩევნების ჩატარებისა და მისი შედეგების გამოქვეყნების თარიღები, ასევე კანდიდატთა მიმართ წაყენებული მოთხოვნები და მათ მიერ წარმოსადგენ დოკუმენტთა ნუსხა. მართვის ორგანოების არჩევნების შემთხვევაში, განცხადებაში უნდა აღინიშნოს აგრეთვე არსებული ვაკანსიების რაოდენობა.
5. ამ დებულებით განსაზღვრულ დღეებში იგულისხმება კალენდარული დღეები, თუ ამავე დებულებით სხვა რამ არ არის მითითებული.

თავი II. საარჩევნო კომისიები

მუხლი 5. უნივერსიტეტის საარჩევნო კომისია

1. რექტორის, უნივერსიტეტის ხარისხის უზრუნველყოფის სამსახურის ხელმძღვანელის და ბიბლიოთეკის დირექტორის არჩევნების ჩასატარებლად აკადემიური საბჭოს მიერ იქმნება უნივერსიტეტის საარჩევნო კომისია.
2. უნივერსიტეტის საარჩევნო კომისია შედგება ყველა ფაკულტეტის პროფესორ-მასწავლებელთა თითო წარმომადგენლისა და სტუდენტური თვითმმართველობის ერთი წარმომადგენლისაგან.
3. უნივერსიტეტის საარჩევნო კომისიის შემადგენლობის თითოეულ წევრს ამტკიცებს აკადემიური საბჭო ღია კენჭისყრის წესით, დამსწრე წევრთა ხმების უმრავლესობით: ფაკულტეტების პროფესორ-მასწავლებელთა წარმომადგენლებს – ფაკულტეტების დეკანების, ხოლო სტუდენტური თვითმმართველობის წარმომადგენელს – სტუდენტური თვითმმართველობის ორგანოს წარდგინებით.
4. უნივერსიტეტის საარჩევნო კომისია თავის პირველ სხდომაზე, ღია კენჭისყრით, სიითი შემადგენლობის უმრავლესობით კომისიის წევრთაგან ირჩევს კომისიის თავმჯდომარეს და მდივანს.
5. უნივერსიტეტის საარჩევნო კომისია ანგარიშვალდებულია აკადემიური საბჭოს წინაშე.
6. უნივერსიტეტის საარჩევნო კომისიის უფლებამოსილების ვადა განისაზღვრება აკადემიური საბჭოს შესაბამისი დადგენილებით.

მუხლი 6. ფაკულტეტის საარჩევნო კომისია

1. უნივერსიტეტის აკადემიურ საბჭოსა და სენატში წარმომადგენლების ასარჩევად, ასევე ფაკულტეტის დეკანის არჩევნების ჩასატარებლად შესაბამისი ფაკულტეტის საბჭოს მიერ იქმნება ფაკულტეტის საარჩევნო კომისია.
2. ფაკულტეტის საარჩევნო კომისია შედგება არა ნაკლებ 5 წევრისგან, ფაკულტეტის საბჭოს მიერ შერჩეული ფაკულტეტის ყველა დეპარტამენტის პროფესორ-მასწავლებელთა წარმომადგენლებისა და ფაკულტეტის სტუდენტური თვითმმართველობის ორგანოს მიერ სტუდენტთა შემადგენლობიდან შერჩეული 1 წარმომადგენლისაგან
3. ფაკულტეტის საბჭო, ფაკულტეტის საარჩევნო კომისიის შემადგენლობაში დეპარტამენტის პროფესორ-მასწავლებელთა წარმომადგენლებს ამტკიცებს ღია კენჭისყრის წესით, დამსწრე წევრთა ხმების უმრავლესობით.
4. ფაკულტეტის საარჩევნო კომისია თავის პირველ სხდომაზე, ღია კენჭისყრით, სიითი შემადგენლობის უმრავლესობით კომისიის წევრთაგან ირჩევს კომისიის თავმჯდომარეს და მდივანს.
5. ფაკულტეტის საარჩევნო კომისია ანგარიშვალდებულია ფაკულტეტის საბჭოს წინაშე.
6. ფაკულტეტის საარჩევნო კომისიის უფლებამოსილების ვადა განისაზღვრება ფაკულტეტის საბჭოს შესაბამისი დადგენილებით.

მუხლი 7. საარჩევნო კომისიების უფლება-მოვალეობები

1. უნივერსიტეტის/ფაკულტეტის საარჩევნო კომისია (შემდგომში "საარჩევნო კომისია") უფლებამოსილია:
 - ა) მიიღოს ყველა გადაწყვეტილება არჩევნების საორგანიზაციო საკითხებთან დაკავშირებით, თუ ამ დებულებით სხვა რამ არ არის გათვალისწინებული;
 - ბ) მიიღოს გადაწყვეტილება ამ დებულებით გათვალისწინებულ მის კომპეტენციაში შემავალ სხვა საკითხებზე.
2. საარჩევნო კომისიას ეკისრება ვალდებულება არჩევნების ამ დებულებით დადგენილი წესით ჩატარებაზე.
3. საარჩევნო კომისიის თავმჯდომარე ხელმძღვანელობს კომისიის სხდომებს, ხელს აწერს შესაბამის ოქმებს და ახორციელებს ამ დებულებით მისთვის მინიჭებულ სხვა უფლებამოსილებებს.
4. საარჩევნო კომისიის მდივანი უზრუნველყოფს კომისიის საქმისწარმოებას, ადგენს კომისიის სხდომის დღის წესრიგს და სხდომის ოქმებს (მათ შორის არჩევნების შედეგების შემაჯამებელ ოქმს), რეგისტრაციაში ატარებს არჩევნებში მონაწილეობის მსურველ კანდიდატებს და აძლევს შესაბამის ცნობებს, რეგისტრაციაში ატარებს საარჩევნო კომისიაში შესულ კორესპონდენტებს და ახორციელებს ამ დებულებით მისთვის მინიჭებულ სხვა უფლებამოსილებებს.
5. საარჩევნო კომისიას აქვს ბეჭედი, რომლის ფორმა მტკიცდება რექტორის ბრძანებით.
6. საარჩევნო კომისიის სხდომის მოწვევის უფლება აქვს საარჩევნო კომისიის თავმჯდომარეს, მდივანს ან მისი წევრების 1/3-ს.
7. საარჩევნო კომისიის თავმჯდომარე, მდივანი და კომისიის წევრები შეიძლება ამ დებულებით განსაზღვრული ფუნქციების შესრულებისათვის უნივერსიტეტის ან ფაკულტეტის ბიუჯეტიდან იღებდნენ ერთჯერად ანაზღაურებას.

მუხლი 8. ინტერესთა შეუთავსებლობა

საარჩევნო კომისიის წევრი არ შეიძლება იყოს უნივერსიტეტის ადმინისტრაციული თანამდებობის პირი, აგრეთვე უნივერსიტეტის მართვის ორგანოს წევრი ან არჩევნებში მონაწილე კანდიდატი.

თავი III. აკადემიური საბჭოს არჩევნები

მუხლი 9. აკადემიური საბჭოს არჩევნების დანიშვნა

უნივერსიტეტის აკადემიური საბჭოს შემადგენლობის განახლების ან აკადემიურ საბჭოში წარმოქმნილი ვაკანსიის შევსების მიზნით, არჩევნების დანიშვნის თაობაზე ინდივიდუალურ ადმინისტრაციულ-სამართლებრივ აქტს გამოსცემს უნივერსიტეტის რექტორი აკადემიური საბჭოს წევრის/წევრების უფლებამოსილების ვადის გასვლამდე არა უადრეს 45 დღისა, ხოლო აკადემიურ საბჭოში ვაკანსიის წარმოქმნის შემთხვევაში – შესაბამისი ვაკანსიის წარმოქმნიდან არა უგვიანეს 20 დღის ვადაში. აღნიშნული ვადის გაგრძელების შესახებ გადაწყვეტილებას იღებს აკადემიური საბჭო.

მუხლი 10. აკადემიური საბჭოს არჩევნებში ამომრჩეველთა და ასარჩევ კანდიდატთა რეგისტრაციის წესი

1. აკადემიური საბჭოს არჩევნებში ამომრჩეველთა რეგისტრაციის წესს განსაზღვრავს ფაკულტეტის საარჩევნო კომისია.
2. აკადემიურ საბჭოში ასარჩევ კანდიდატთა რეგისტრაციას ახორციელებს ფაკულტეტის საარჩევნო კომისია.
3. კანდიდატთა რეგისტრაცია იწყება ამ დებულების მე-9 მუხლში მითითებული აქტის გამოქვეყნებიდან 7 დღის შემდეგ და მიმდინარეობს 7 დღის განმავლობაში.
4. კანდიდატის რეგისტრაციაზე უარი დასაბუთებული უნდა იყოს Kწერილობითი ფორმით.
5. რეგისტრაციაზე უარის თქმის შესახებ გადაწყვეტილებაში მიეთითება უარის თქმის საფუძველი და კანდიდატის მიერ წარმოდგენილ დოკუმენტებში არსებული ხარვეზის (ხარვეზების) შესახებ. კანდიდატი უფლებამოსილია, ხარვეზი გამოასწოროს 3 დღის განმავლობაში.
6. კანდიდატი უფლებამოსილია, რეგისტრაციაზე უარი გაასაჩივროს ფაკულტეტის საარჩევნო კომისიაში 3 დღის განმავლობაში. საჩივართან დაკავშირებულ გადაწყვეტილებას ფაკულტეტის საარჩევნო კომისია იღებს 3 დღის განმავლობაში.
7. არჩევნები ტარდება რეგისტრაციის დასრულებიდან მე-7 დღეს.

მუხლი 11. აკადემიური საბჭოს წევრის/წევრების უფლებამოსილების ცნობა

1. აკადემიური საბჭოს პირველ სხდომას იწვევს რექტორი არჩევნების საბოლოო შედეგების გამოქვეყნებიდან 5 დღის ვადაში.
2. სხდომა უფლებამოსილია, თუ მას ესწრება სიითი შემადგენლობის უმრავლესობა.
3. აკადემიური საბჭო პირველივე სხდომაზე, სიითი შემადგენლობის უმრავლესობით ცნობს თავისი ახლადარჩეული წევრის/წევრების უფლებამოსილებას.
4. აკადემიური საბჭოს წევრის უფლებამოსილების ვადაა 4 წელი.
5. აკადემიური საბჭოს პირველი არჩევნების შემთხვევაში, არჩეული ახალი შემადგენლობის ნახევრის უფლებამოსილების ვადა განისაზღვრება 3 წლით. შესაბამის

წევრთა შერჩევა ხდება წილისყრის წესით, აკადემიური საბჭოს ახალი შემადგენლობის პირველივე სხდომაზე.

6. აკადემიური საბჭოს წევრად პირი შესაძლებელია აირჩეს ზედიზედ მხოლოდ ორჯერ.

თავი IV. სენატის არჩევნები

მუხლი 12. სენატის არჩევნების დანიშვნა

უნივერსიტეტის სენატის მორიგი არჩევნების ან სენატში წარმოქმნილი ვაკანსიის შევსების მიზნით, არჩევნების დანიშვნის თაობაზე ინდივიდუალურ ადმინისტრაციულ-სამართლებრივ აქტს უნივერსიტეტის რექტორი გამოსცემს სენატის უფლებამოსილების ამოწურვამდე არა უადრეს 45 დღისა, ხოლო სენატში ვაკანსიის წარმოქმნის შემთხვევაში – შესაბამისი ვაკანსიის წარმოქმნიდან არა უგვიანეს 10 დღის ვადაში. აღნიშნული ვადის გაგრძელების შესახებ გადაწყვეტილებას იღებს აკადემიური საბჭო.

მუხლი 13. სენატის არჩევნებში ამომრჩეველთა და ასარჩევ კანდიდატთა რეგისტრაციის წესი

1. სენატის არჩევნებში ამომრჩეველთა რეგისტრაციის წესს განსაზღვრავს ფაკულტეტის საარჩევნო კომისია.
2. სენატში ასარჩევ კანდიდატთა რეგისტრაციას ახორციელებს ფაკულტეტის საარჩევნო კომისია.
3. კანდიდატთა რეგისტრაცია იწყება ამ დებულების მე-12 მუხლში მითითებული აქტის გამოქვეყნებიდან 7 დღის შემდეგ და მიმდინარეობს 7 დღის განმავლობაში.
4. კანდიდატის რეგისტრაციაზე უარი დასაბუთებული უნდა იყოს Kწერილობითი ფორმით.
5. რეგისტრაციაზე უარის შესახებ გადაწყვეტილებაში მიეთითება უარის თქმის საფუძველი და კანდიდატის მიერ წარმოდგენილ დოკუმენტებში არსებული ხარვეზის (ხარვეზების) შესახებ. კანდიდატი უფლებამოსილია, ხარვეზი გამოასწოროს 3 დღის განმავლობაში.
6. კანდიდატი უფლებამოსილია, რეგისტრაციაზე უარი გაასაჩივროს ფაკულტეტის საარჩევნო კომისიაში 3 დღის განმავლობაში. საჩივართან დაკავშირებით გადაწყვეტილებას ფაკულტეტის საარჩევნო კომისია იღებს 3 დღის განმავლობაში.
7. არჩევნები ტარდება რეგისტრაციის დასრულებიდან მე-7 დღეს.

მუხლი 14. სენატის უფლებამოსილების ცნობა და მისი სპიკერის არჩევა

1. სენატის პირველ სხდომას იწვევს უნივერსიტეტის რექტორი (რექტორის მოვალეობის შემსრულებელი), სენატის არჩევნებიდან არაუგვიანეს ორი კვირისა.
2. პირველ სხდომას თავმჯდომარეობს სენატის უხუცესი წევრი. სხდომა უფლებამოსილია, თუ მას ესწრება სიითი შემადგენლობის უმრავლესობა.
3. სენატი, სიითი შემადგენლობის უმრავლესობით ცნობს თავის (ახლადარჩეული წევრების) უფლებამოსილებას პირველივე სხდომაზე.
4. სენატი თავისი რიგებიდან, ფარული კენჭისყრით, სიითი შემადგენლობის უმრავლესობით ირჩევს სპიკერს. სპიკერობის კანდიდატურის წარდგენის (დასახელების) უფლება აქვს სენატის წევრს, ან წევრთა ჯგუფს.
5. კენჭისყრას ატარებს სენატის მიერ სხდომაზე არჩეული ხმის დამთვლელი კომისია.

6. არჩეულად ჩაითვლება პირი, რომელსაც ხმას მისცემს სენატის სიითი შემადგენლობის ნახევარზე მეტი. იმ შემთხვევაში, თუ პრეტენდენტი ორზე მეტია და ვერც ერთმა კანდიდატმა ვერ დააგროვა ხმების საჭირო რაოდენობა, იმავე დღეს უმეტესი ხმების მქონე ორ კანდიდატს შორის ტარდება განმეორებითი კენჭისყრა. თუ ამ შემთხვევაშიც ვერ გამოვლინდა გამარჯვებული, არა უგვიანეს 5 დღის განმავლობაში ინიშნება ახალი არჩევნების თარიღი. ახალი არჩევნები ტარდება იმავე წესით. წინა არჩევნებში მონაწილე პრეტენდენტები შემდეგ არჩევნებში მონაწილეობას ვერ მიიღებენ.

7. სპიკერი აირჩევა სენატის უფლებამოსილების ვადით.

8. სენატის უფლებამოსილების ვადაა 4 წელი.

9. სენატის წევრის უფლებამოსილების ვადამდე შეწყვეტის შემთხვევაში ვაკანტურ ადგილზე ტარდება არჩევნები. ვაკანტურ ადგილზე პირი აირჩევა სენატის უფლებამოსილების დარჩენილი ვადით.

თავი V. უნივერსიტეტის რექტორის არჩევნები

მუხლი 15. უნივერსიტეტის რექტორის არჩევნების დანიშვნა

1. უნივერსიტეტის რექტორის მორიგ არჩევნებს ან რექტორის უფლებამოსილების ვადამდე შეწყვეტის შემთხვევაში რექტორის ვაკანტური თანამდებობის დასაკავებლად არჩევნებს ნიშნავს აკადემიური საბჭო.

2. რექტორის მორიგი არჩევნები ინიშნება რექტორის უფლებამოსილების ვადის გასვლამდე არა უადრეს 45 დღისა, ხოლო რექტორის უფლებამოსილების ვადამდე შეწყვეტის შემთხვევაში – უფლებამოსილების შეწყვეტიდან 10 დღის ვადაში.

3. რექტორის არჩევნების დანიშვნის შესახებ აკადემიური საბჭოს მიერ გამოცემული აქტით განისაზღვრება: რექტორობის კანდიდატთა მიმართ წაყენებული მოთხოვნები და წარსადგენი დოკუმენტების ნუსხა, კანდიდატთა რეგისტრაციისა და არჩევნების ჩატარების ვადები. ამავე აქტით დგინდება გამოსაქვეყნებელი განცხადების ტექსტი და მისი გამოქვეყნების თარიღი.

მუხლი 16. რექტორობის კანდიდატთა რეგისტრაციის წესი

1. რეგისტრაციაში გატარდება ნებისმიერი პირი, რომელიც აკმაყოფილებს განცხადებაში მოცემულ მოთხოვნებს და გააჩნია შესაბამისი დამადასტურებელი დოკუმენტები. კანდიდატის რეგისტრაციაში გატარებისათვის ასევე სავალდებულოა, მის მიერ პირადობის დამადასტურებელი დოკუმენტის (პირადობის მოწმობის/პასპორტის) და სამოქმედო პროგრამის წარდგენა.

2. კანდიდატებს რეგისტრაციაში ატარებს უნივერსიტეტის საარჩევნო კომისია.

3. კანდიდატთა რეგისტრაცია იწყება ამ დებულების მე-15 მუხლში მითითებული აქტის გამოქვეყნებიდან 7 დღის შემდეგ და მიმდინარეობს არანაკლებ 14 დღის განმავლობაში.

4. კანდიდატის რეგისტრაციაზე უარი დასაბუთებული უნდა იყოს Kწერილობითი ფორმით.

5. რეგისტრაციაზე უარის შესახებ გადაწყვეტილებაში მიეთითება უარის თქმის საფუძველი და კანდიდატის მიერ წარმოდგენილ დოკუმენტებში არსებული ხარვეზის (ხარვეზების) შესახებ. კანდიდატი უფლებამოსილია, ხარვეზი გამოასწოროს 3 დღის განმავლობაში.

6. კანდიდატი უფლებამოსილია, რეგისტრაციაზე უარი გაასაჩივროს უნივერსიტეტის საარჩევნო კომისიაში 3 დღის განმავლობაში. საჩივართან დაკავშირებულ გადაწყვეტილებას უნივერსიტეტის საარჩევნო კომისია იღებს 3 დღის განმავლობაში.

მუხლი 17. უნივერსიტეტის რექტორის არჩევა

1. უნივერსიტეტის რექტორის არჩევნები ტარდება კანდიდატთა რეგისტრაციის დასრულებიდან 10 დღის ვადაში.
2. კანდიდატების რეგისტრაციის დასრულებიდან არჩევნების ჩატარების დღემდე დროის შუალედში, აკადემიური საბჭოს მიერ დანიშნულ დღეებში, კანდიდატები აკადემიურ საბჭოს საჯაროდ წარუდგენენ თავიანთ სამოქმედო პროგრამებს. აკადემიური საბჭო აფასებს თითოეული კანდიდატის მიერ წარმოდგენილ სამოქმედო პროგრამას.
3. რექტორი აირჩევა აკადემიური საბჭოს მიერ ფარული კენჭისყრით, სიითი შემადგენლობის უმრავლესობით.
4. რექტორი აირჩევა 4 წლის ვადით.
5. არჩეულ რექტორს უნივერსიტეტი არჩევიდან 2 კვირის ვადაში წარუდგენს საქართველოს განათლებისა და მეცნიერების სამინისტროს სარეგისტრაციოდ.
6. რექტორის თანამდებობაზე ერთი და იგივე პირი შეიძლება არჩეულ იქნეს ზედიზედ მხოლოდ ორჯერ.
7. პირი, რომელსაც ეკავა ადმინისტრაციის ხელმძღვანელის თანამდებობა, უნივერსიტეტის რექტორად შეიძლება არჩეულ იქნას მხოლოდ მისი, როგორც ადმინისტრაციის ხელმძღვანელის უფლებამოსილების შეწყვეტიდან ადმინისტრაციის ხელმძღვანელის უფლებამოსილების ერთი ვადის გასვლის შემდეგ.

თავი VI. უნივერსიტეტის ხარისხის უზრუნველყოფის სამსახურის ხელმძღვანელის არჩევნები

მუხლი 18. უნივერსიტეტის ხარისხის უზრუნველყოფის სამსახურის ხელმძღვანელის არჩევნების დანიშვნა

1. უნივერსიტეტის ხარისხის უზრუნველყოფის სამსახურის ხელმძღვანელის მორიგ არჩევნებს ან მისი უფლებამოსილების ვადამდე შეწყვეტის შემთხვევაში ვაკანტური თანამდებობის დასაკავებლად არჩევნებს ნიშნავს აკადემიური საბჭო.
2. უნივერსიტეტის ხარისხის უზრუნველყოფის სამსახურის ხელმძღვანელის მორიგი არჩევნები ინიშნება მისი უფლებამოსილების ვადის გასვლამდე არა უადრეს 45 დღისა, ხოლო უფლებამოსილების ვადამდე შეწყვეტის შემთხვევაში – უფლებამოსილების შეწყვეტიდან 10 დღის ვადაში.
3. არჩევნების დანიშვნის შესახებ აკადემიური საბჭოს მიერ გამოცემული აქტით განისაზღვრება: კანდიდატთა მიმართ წაყენებული მოთხოვნები და წარსადგენი დოკუმენტების ნუსხა, კანდიდატთა რეგისტრაციისა და არჩევნების ჩატარების ვადები. ამავე აქტით დგინდება გამოსაქვეყნებელი განცხადების ტექსტი და მისი გამოქვეყნების თარიღი.

მუხლი 19. უნივერსიტეტის ხარისხის უზრუნველყოფის სამსახურის ხელმძღვანელობის კანდიდატთა რეგისტრაციის წესი და არჩევა

1. რეგისტრაციაში გატარდება ნებისმიერი პირი, რომელიც აკმაყოფილებს განცხადებაში მოცემულ მოთხოვნებს და გააჩნია შესაბამისი დამადასტურებელი დოკუმენტები. პირის რეგისტრაციაში გატარებისათვის ასევე სავალდებულოა, მის მიერ პირადობის დამადასტურებელი დოკუმენტის (პირადობის მოწმობის/პასპორტის) და სამოქმედო პროგრამის წარდგენა.
2. კანდიდატებს რეგისტრაციაში ატარებს უნივერსიტეტის საარჩევნო კომისია.
3. კანდიდატთა რეგისტრაცია იწყება ამ დებულების მე-18 მუხლში მითითებული აქტის გამოქვეყნებიდან 7 დღის შემდეგ და მიმდინარეობს 7 დღის განმავლობაში.
4. კანდიდატის რეგისტრაციაზე უარი დასაბუთებული უნდა იყოს კწერილობითი ფორმით.
5. რეგისტრაციაზე უარის შესახებ გადაწყვეტილებაში მიეთითება უარის თქმის საფუძველი და კანდიდატის მიერ წარმოდგენილ დოკუმენტებში არსებული ხარვეზის (ხარვეზების) შესახებ. კანდიდატი უფლებამოსილია, ხარვეზი გამოასწოროს 3 დღის განმავლობაში.
6. კანდიდატი უფლებამოსილია, რეგისტრაციაზე უარი გაასაჩივროს უნივერსიტეტის საარჩევნო კომისიაში 3 დღის განმავლობაში. საჩივართან დაკავშირებულ გადაწყვეტილებას უნივერსიტეტის საარჩევნო კომისია იღებს 3 დღის განმავლობაში.
7. უნივერსიტეტის ხარისხის უზრუნველყოფის სამსახურის ხელმძღვანელის არჩევნები ტარდება რეგისტრაციის დასრულებიდან მე-7 დღეს.
8. რეგისტრაციის დასრულებიდან არჩევნების ჩატარების დღემდე დროის შუალედში, აკადემიური საბჭო იხილავს შემოსულ განცხადებებს, ეცნობა კანდიდატებს, ისმენს მათ სამოქმედო პროგრამებს და ფარული კენჭისყრით, სიითი შემადგენლობის უმრავლესობით ირჩევს უნივერსიტეტის ხარისხის უზრუნველყოფის სამსახურის ხელმძღვანელს.
9. უნივერსიტეტის ხარისხის უზრუნველყოფის სამსახურის ხელმძღვანელის უფლებამოსილების ვადაა 4 წელი.
10. ერთი და იგივე პირი უნივერსიტეტის ხარისხის უზრუნველყოფის სამსახურის ხელმძღვანელის თანამდებობაზე შეიძლება არჩეულ იქნეს ზედიზედ მხოლოდ ორჯერ.

თავი VII. ბიბლიოთეკის დირექტორის არჩევნები

მუხლი 20. ბიბლიოთეკის დირექტორის არჩევნების დანიშვნა

1. ბიბლიოთეკის დირექტორის მორიგ არჩევნებს ან მისი უფლებამოსილების ვადამდე შეწყვეტის შემთხვევაში ვაკანტური თანამდებობის დასაკავებლად არჩევნებს ნიშნავს აკადემიური საბჭო.
2. ბიბლიოთეკის დირექტორის მორიგი არჩევნები ინიშნება მისი უფლებამოსილების ვადის გასვლამდე არა უადრეს 45 დღისა, ხოლო უფლებამოსილების ვადამდე შეწყვეტის შემთხვევაში – უფლებამოსილების შეწყვეტიდან 20 დღის ვადაში. აღნიშნული ვადის გაგრძელების შესახებ გადაწყვეტილებას იღებს აკადემიური საბჭო.
3. არჩევნების დანიშვნის შესახებ აკადემიური საბჭოს მიერ გამოცემული აქტით განისაზღვრება: კანდიდატთა მიმართ წაყენებული მოთხოვნები და წარსადგენი დოკუმენტების ნუსხა, კანდიდატთა რეგისტრაციისა და არჩევნების ჩატარების ვადები. ამავე აქტით დგინდება გამოსაქვეყნებელი განცხადების ტექსტი და მისი გამოქვეყნების თარიღი.

მუხლი 21. ბიბლიოთეკის დირექტორობის კანდიდატთა რეგისტრაციის წესი და არჩევა

1. რეგისტრაციაში გატარდება ნებისმიერი პირი, რომელიც აკმაყოფილებს განცხადებაში მოცემულ მოთხოვნებს და გააჩნია შესაბამისი დამადასტურებელი დოკუმენტები. პირის რეგისტრაციაში გატარებისათვის ასევე სავალდებულოა, მის მიერ პირადობის დამადასტურებელი დოკუმენტის (პირადობის მოწმობის/პასპორტის) და სამოქმედო პროგრამის წარდგენა.
2. კანდიდატებს რეგისტრაციაში ატარებს უნივერსიტეტის საარჩევნო კომისია.
3. კანდიდატთა რეგისტრაცია იწყება ამ დებულების მე-20 მუხლში მითითებული აქტის გამოქვეყნებიდან 7 დღის შემდეგ და მიმდინარეობს 7 დღის განმავლობაში.
4. კანდიდატის რეგისტრაციაზე უარი დასაბუთებული უნდა იყოს კწერილობითი ფორმით.
5. რეგისტრაციაზე უარის შესახებ გადაწყვეტილებაში მიეთითება უარის თქმის საფუძველი და კანდიდატის მიერ წარმოდგენილ დოკუმენტებში არსებული ხარვეზის (ხარვეზების) შესახებ. კანდიდატი უფლებამოსილია, ხარვეზი გამოასწოროს 3 დღის განმავლობაში.
6. კანდიდატი უფლებამოსილია, რეგისტრაციაზე უარი გაასაჩივროს უნივერსიტეტის საარჩევნო კომისიაში 3 დღის განმავლობაში. საჩივართან დაკავშირებულ გადაწყვეტილებას უნივერსიტეტის საარჩევნო კომისია იღებს 3 დღის განმავლობაში.
7. ბიბლიოთეკის დირექტორის არჩევნები ტარდება რეგისტრაციის დასრულებიდან მე-7 დღეს.
8. რეგისტრაციის დასრულებიდან არჩევნების ჩატარების დღემდე დროის შუალედში, აკადემიური საბჭო იხილავს შემოსულ განცხადებებს, ეცნობა კანდიდატებს, ისმენს მათ სამოქმედო პროგრამებს და ფარული კენჭისყრით, სიითი შემადგენლობის უმრავლესობით ირჩევს ბიბლიოთეკის დირექტორს.
9. ხმის მიცემის პროცედურის ჩატარებას და შედეგების შეჯამებას ამ დებულების შესაბამისად უზრუნველყოფს უნივერსიტეტის საარჩევნო კომისია.
10. ბიბლიოთეკის დირექტორის უფლებამოსილების ვადაა 4 წელი.

თავი VIII. ფაკულტეტის დეკანის არჩევნები

მუხლი 22. ფაკულტეტის დეკანის არჩევნების დანიშვნა

1. ფაკულტეტის დეკანის მორიგი არჩევნების ან მისი უფლებამოსილების ვადამდე შეწყვეტის შემთხვევაში დეკანის ვაკანტური თანამდებობის დასაკავებლად არჩევნებს ნიშნავს აკადემიური საბჭო.
2. ფაკულტეტის დეკანის მორიგი არჩევნები ინიშნება მისი უფლებამოსილების ვადის გასვლამდე არა უადრეს 45 დღისა, ხოლო დეკანის უფლებამოსილების ვადამდე შეწყვეტის შემთხვევაში – უფლებამოსილების შეწყვეტიდან არა უგვიანეს 10 დღის ვადაში.
3. ფაკულტეტის დეკანის არჩევნების დანიშვნის შესახებ აკადემიური საბჭოს მიერ გამოცემული აქტით განისაზღვრება: დეკანობის კანდიდატთა მიმართ წაყენებული მოთხოვნები და წარსადგენი დოკუმენტების ნუსხა, კანდიდატთა რეგისტრაციისა და არჩევნების ჩატარების ვადები. ამავე აქტით დგინდება გამოსაქვეყნებელი განცხადების ტექსტი და მისი გამოქვეყნების თარიღი.

მუხლი 23. დეკანობის კანდიდატების რეგისტრაციის წესი

1. რეგისტრაციაში გატარდება ნებისმიერი პირი, რომელიც აკმაყოფილებს განცხადებაში მოცემულ მოთხოვნებს და გააჩნია შესაბამისი დამადასტურებელი დოკუმენტები. პირის რეგისტრაციაში გატარებისათვის ასევე სავალდებულოა, მის მიერ პირადობის დამადასტურებელი დოკუმენტის (პირადობის მოწმობის/პასპორტის) და სამოქმედო პროგრამის წარდგენა.
2. კანდიდატებს რეგისტრაციაში ატარებს შესაბამისი ფაკულტეტის საარჩევნო კომისია.
3. კანდიდატთა რეგისტრაცია იწყება ამ დებულების 22-ე მუხლში მითითებული აქტის გამოქვეყნებიდან 7 დღის შემდეგ და მიმდინარეობს არა ნაკლებ 14 დღის განმავლობაში.
4. კანდიდატის რეგისტრაციაზე უარი დასაბუთებული უნდა იყოს Kწერილობითი ფორმით.
5. რეგისტრაციაზე უარის შესახებ გადაწყვეტილებაში მიეთითება უარის თქმის საფუძველი და კანდიდატის მიერ წარმოდგენილ დოკუმენტებში ხარვეზის (ხარვეზების) შესახებ. კანდიდატი უფლებამოსილია, ხარვეზი გამოასწოროს 3 დღის განმავლობაში.
6. კანდიდატი უფლებამოსილია, რეგისტრაციაზე უარი გაასაჩივროს ფაკულტეტის საარჩევნო კომისიაში 3 დღის განმავლობაში. საჩივართან დაკავშირებულ გადაწყვეტილებას ფაკულტეტის საარჩევნო კომისია იღებს 3 დღის განმავლობაში.

მუხლი 24. ფაკულტეტის დეკანის არჩევა

1. დეკანის არჩევნები ტარდება კანდიდატთა რეგისტრაციის დასრულებიდან 30 დღის ვადაში.
2. კანდიდატების რეგისტრაციის დასრულებიდან არჩევნების დღემდე დროის შუალედში, აკადემიური საბჭოს მიერ განსაზღვრული გრაფიკით, კანდიდატები აკადემიურ საბჭოს საჯაროდ წარუდგენენ სამოქმედო პროგრამებს.
3. აკადემიური საბჭო, არჩევნების ჩატარებამდე არაუგვიანეს 7 დღის ვადაში, შესაბამის ფაკულტეტის საბჭოს ასარჩევად წარუდგენს ფარული კენჭისყრით, სიითი შემადგენლობის უმრავლესობით შერჩეულ არაუმეტეს 3 საუკეთესო კანდიდატს.
 - 3.1. თუ შერჩევაში მონაწილეობდა სამზე მეტი კანდიდატი, მათგან ორმა ან მეტმა დააგროვა თანაბარი რაოდენობის ხმები და მათ შორისაა გასაკეთებელი არჩევანი, მათი მონაწილეობით იმავე დღეს, კენჭისყრის შედეგების გამოცხადებისთანავე ტარდება განმეორებითი კენჭისყრა. შერჩეულად ჩაითვლება საუკეთესო შედეგების მქონე კანდიდატი/კანდიდატები.
 - 3.2. თუ ვერც ერთმა კანდიდატმა ვერ მიიღო ხმათა საჭირო რაოდენობა, აკადემიური საბჭო იმავე დღეს იღებს გადაწყვეტილებას განმეორებითი (ხელახალი) არჩევნების დანიშვნის შესახებ, რომელიც უნდა ჩატარდეს ამ დებულებით განსაზღვრული ყველა შესაბამისი პროცედურის სრული დაცვით, იგივე კანდიდატის/კანდიდატების მონაწილეობის გარეშე.
4. აკადემიური საბჭოს მიერ შერჩეულ კანდიდატთაგან ფაკულტეტის დეკანი აირჩევა ფაკულტეტის საბჭოს მიერ ფარული კენჭისყრით. არჩეულად ჩაითვლება ის კანდიდატი, რომელიც მიიღებს ყველაზე მეტ ხმას. ერთი კანდიდატის არსებობისას, იგი არჩეულად ჩაითვლება, თუ მას ხმა მისცა არჩევნებში მონაწილეთა ნახევარზე მეტმა.
5. ფაკულტეტის დეკანი აირჩევა 4 წლის ვადით. ერთი და იგივე პირი დეკანის თანამდებობაზე შეიძლება არჩეულ იქნეს ზედიზედ მხოლოდ ორჯერ.

თავი IX. არჩევნების ორგანიზების და ჩატარების წესი

მუხლი 25. არჩევნების ჩატარების ტექნოლოგია;

1. არჩევნები შეიძლება ჩატარდეს ტრადიციული ტექნოლოგიით.
2. არჩევნები შეიძლება ჩატარდეს ელექტრონული ტექნოლოგიით. ელექტრონული ტექნოლოგია გულისხმობს ამომრჩევლის რეგისტრირებას სარეგისტრიციო ტერმინალიდან ბიომეტრიული იდენტიფიცირების გზით და ხმის მიცემის ტერმინალზე ელექტრონული საარჩევნო ბიულეტენის გამოყენებას და არჩევნების შედეგების ავტომატურ შეჯამებას.
3. არჩევნების ჩატარების ტექნოლოგიის შესახებ გადაწყვეტილებას დებულობს აკადემიური საბჭო.

მუხლი 26. წინასაარჩევნო აგიტაცია და კამპანია

1. მართვის ორგანოებში (მმართველ სუბიექტად) ასარჩევ კანდიდატს უფლება აქვს ჩაატაროს წინასაარჩევნო კამპანია. წინასაარჩევნო კამპანიის წარმართვისას ყველა კანდიდატი სარგებლობს თანასწორი უფლებით.
2. ასარჩევ კანდიდატებს და ამომრჩევლებს, ასევე დაინტერესებულ ფიზიკურ და იურიდიული პირებს, უფლება აქვთ გასწიონ წინასაარჩევნო აგიტაცია კანდიდატის მხარდასაჭერად.
3. წინასაარჩევნო კამპანია და აგიტაცია არ ფინანსდება უნივერსიტეტის მიერ.
4. არჩევნების დღეს კამპანიისა და აგიტაციის წარმოება იკრძალება.
5. წინასაარჩევნო კამპანია და აგიტაცია შესაძლებელია განხორციელდეს სხვადასხვა ღონისძიებების ჩატარებით (კრებები და შეხვედრები ამომრჩევლებთან, საჯარო დებატები და დისკუსიები), ბეჭდური სააგიტაციო მასალების გამოცემა-გავრცელებით, წინასაარჩევნო მოწოდებების, განცხადებების, ფურცლებისა და ფოტომასალის დამზადებისა და გავრცელების გზით, აგრეთვე კანონმდებლობით ნებადართული ნებისმიერი საშუალებით. აკრძალულია მათი გავრცელებისათვის ხელის შეშლა.
7. წინასაარჩევნო კამპანიამ და აგიტაციამ არ უნდა შეუშალოს ხელი უნივერსიტეტში სასწავლო პროცესს. იკრძალება მეცადინეობებზე სტუდენტებთან საარჩევნო კამპანიისა და აგიტაციის ჩატარება, აგრეთვე ნებისმიერი ისეთი ქმედება, რაც შეუფერებელია ასარჩევი კანდიდატის სტატუსთან (პირდაპირი ან არაპირდაპირი გზით მოსყიდვა, ან რაიმე სიკეთის ან პრივილეგიის მინიჭება, ან ასეთის დაპირება, მუქარა, ზეწოლა, შანტაჟი და სხვა), ხელყოფს წესრიგს უნივერსიტეტში და აზიანებს უნივერსიტეტის ქონებას.
8. უნივერსიტეტის ადმინისტრაციულ პერსონალს უფლება არ აქვს დაუსაბუთებელი უარი უთხრას წინასაარჩევნო კამპანიისა და აგიტაციისათვის აუდიტორიებით, დარბაზებითა და დაწესებულების სხვა ქონებით უსასყიდლოდ სარგებლობაზე. აღნიშნულით სარგებლობა ყველა კანდიდატისათვის თანაბრად მისაწვდომი უნდა იყოს.
9. ამ მუხლის მე-8 პუნქტით გათვალისწინებული უარი უნდა იყოს წერილობითი ფორმის და მისი მიღებიდან 3 დღის ვადაში შეიძლება გასაჩივრდეს შესაბამის საარჩევნო კომისიაში, რომელიც გადაწყვეტილებას იღებს 3 დღის ვადაში.

მუხლი 27. ტრადიციული ტექნოლოგიის საარჩევნო სიები

1. საარჩევნო სიების გადაცემას შესაბამის საარჩევნო კომისიებისათვის უზრუნველყოფს უნივერსიტეტის ადმინისტრაციის ხელმძღვანელი (კანცლერი).
2. აკადემიური პერსონალისა და სტუდენტთა სიები დგება ცალ-ცალკე.

3. სენატის არჩევნების შემთხვევაში სტუდენტთა ამომრჩევლების სიებში შეიტანება მოცემული ფაკულტეტის ყველა სტუდენტი, ხოლო უნივერსიტეტის აკადემიური საბჭოს არჩევნების შემთხვევაში – ფაკულტეტის საბჭოს წევრი ყველა სტუდენტი.

4. უნივერსიტეტის აკადემიური პერსონალის ამომრჩეველთა სიებში შეიტანება მოცემული ფაკულტეტის ყველა სრული პროფესორი, ასოცირებული პროფესორი და ასისტენტ-პროფესორი, გარდა დოქტორანტისა.

5. ასისტენტ-პროფესორი, რომელიც იმავდროულად არის დოქტორანტი, ვალდებულია, ამ დებულების მე-2 მუხლის მე-4 პუნქტით მინიჭებული უფლებამოსილების შესაბამისად, მიღებული გადაწყვეტილების შესახებ წინასწარ წერილობით აცნობოს უნივერსიტეტის ადმინისტრაციის ხელმძღვანელს (კანცლერს), შესაბამის სიაში შეყვანის მიზნით.

6. ერთი და იმავე პირის მონაცემების რამდენიმე ფაკულტეტის საარჩევნო სიაში შეტანა, ან ერთი ფაკულტეტის საარჩევნო სიაში ორჯერ შეტანა დაუშვებელია.

7. საარჩევნო სიაში შეიტანება შემდეგი მონაცემები:

ა) ამომრჩევლის სახელი და გვარი;

ბ) ამომრჩევლის პირადი ნომერი, საქართველოს მოქალაქის პირადობის მოწმობის მიხედვით ან პირადობის დამადასტურებელი სხვა დოკუმენტის დასახელება და ნომერი.

მუხლი 28. ელექტრონული ტექნოლოგიის საარჩევნო სიები

- საარჩევნო სიების გადაცემას შესაბამის საარჩევნო კომისიებისათვის ელექტრონულ ფორმაში უზრუნველყოფს უნივერსიტეტის ადმინისტრაციის ხელმძღვანელი (კანცლერი).

- ელექტრონული სახით საარჩევნო სიები ფორმირებული უნდა იქნას მუხლი 27-ის პუნქტების 2-6-ის შესაბამისად.

- ელექტრონული საარჩევნო სიები მუხლი 27-ის მე-7 პუნქტით გათვალისწინებული მონაცემების გარდა დამატებით უნდა მოიცავდეს ამომრჩევლის თითის ანაბეჭდის ციფრულ შაბლონს.

მუხლი 29. ტრადიციული ტექნოლოგიით არჩევნების საარჩევნო ბიულეტენი

1. ამომრჩევლის მიერ ხმის მიცემა ხორციელდება საარჩევნო ბიულეტენზე სათანადო აღნიშვნით და საარჩევნო ბიულეტენის საარჩევნო ყუთში მოთავსებით.

2. საარჩევნო ბიულეტენი იბეჭდება უნივერსიტეტის მიერ, რაზეც პასუხისმგებელია რექტორი (რექტორის მოვალეობის შემსრულებელი).

3. უნივერსიტეტის სენატის არჩევნების შემთხვევაში საარჩევნო ბიულეტენები აკადემიური პერსონალისა და სტუდენტთათვის იბეჭდება ცალ-ცალკე.

4. საარჩევნო ბიულეტენზე აღინიშნება:

ა) უნივერსიტეტისა და შესაბამისი ფაკულტეტის (თუ არჩევნებს ატარებს ფაკულტეტის საარჩევნო კომისია) სახელწოდება;

ბ) მართვის ორგანოს (მმართველი სუბიექტის) არჩევნებისთვის კუთვნილება;

გ) საარჩევნო ბიულეტენის კუთვნილება: აკადემიური პერსონალისა თუ სტუდენტებისათვის;

დ) ასარჩევი კანდიდატების ჩამონათვალი (ანბანით, გვარის პირველი ასოს მიხედვით);

ე) არჩევნების ჩატარების თარიღი;

ვ) საარჩევნო კომისიის წევრის (წევრების) ხელმოწერის ადგილი.

5. პირზე ერთზე მეტი საარჩევნო ბიულეტენის გაცემა, ასევე აკადემიურ პერსონალზე სტუდენტის საარჩევნო ბიულეტენის ან პირიქით გაცემა დაუშვებელია.

6. საარჩევნო ბიულეტენი გაიცემა პირადობის დამადასტურებელი დოკუმენტის (პირადობის მოწმობის/პასპორტის და სხვ.) წარდგენის საფუძველზე.

მუხლი 30. ელექტრონული საარჩევნო ბიულეტენი

1. ამომრჩევლის მიერ ხმის მიცემა ხორციელდება ხმის მიცემის ტერმინალის მონიტორზე ასახული ელექტრონული საარჩევნო ბიულეტენზე კანდიდატის გვარის გააქტიურებით.
2. ელექტრონულ საარჩევნო ბიულეტენზე დატანილია:
 - ა) უნივერსიტეტისა და შესაბამისი ფაკულტეტის (თუ არჩევნებს ატარებს ფაკულტეტის საარჩევნო კომისია) სახელწოდება.
 - ბ) მართვის ორგანოს (მმართველი სუბიექტის) არჩევნებისათვის კუთვნილება.
 - გ) საარჩევნო კანდიდატების ჩამონათვალი (ანბანით, გვარის პირველი ასოს მიხედვით)
 - დ) არჩევნების ჩატარების თარიღი.
3. ელექტრონული საარჩევნო ბიულეტენზე დატანილია ვირტუალური დილაკი „ბიულეტენის გაბათილება“.
4. ამომრჩეველზე ერთზე მეტი ელექტრონული საარჩევნო ბიულეტენის გაცემა დაუშვებელია.
5. ელექტრონული საარჩევნო ბიულეტენი გაიცემა ამომრჩევლის ბიომეტრიული იდენტიფიცირების საშუალებით.

მუხლი 31. ტრადიციული ტექნოლოგიის საარჩევნო ყუთი

1. უნივერსიტეტის ადმინისტრაცია არჩევნების ჩასატარებლად საარჩევნო კომისიებს უზრუნველყოფს გამჭვირვალე საარჩევნო ყუთებით. თითოეული ფაკულტეტის საარჩევნო კომისიას გადაეცემა 2 საარჩევნო ყუთი - აკადემიური პერსონალისა და სტუდენტების წარმომადგენელთა არჩევნებისათვის, ხოლო უნივერსიტეტის საარჩევნო კომისიას - 1 ყუთი.
2. საარჩევნო ყუთზე თვალსაჩინო ფორმით აღინიშნება, თუ რომელი მართვის ორგანოს (მმართველი სუბიექტის) არჩევნებისათვისაა იგი განკუთვნილი, აგრეთვე მინიშნება (წარწერა) იმაზე, აკადემიური პერსონალისთვისაა განკუთვნილი თუ სტუდენტებისათვის.
3. საარჩევნო ყუთი კენჭისყრამდე მოწმდება, რათა საარჩევნო კომისიის წევრები და დამკვირვებლები დარწმუნდნენ, რომ იგი ცარიელია. კენჭისყრის დაწყებამდე საარჩევნო ყუთი ილუქება კომისიის წევრებისა და დამკვირვებლების თანდასწრებით და პირველი ამომრჩევლის საარჩევნო ბიულეტენთან ერთად მასში თავსდება საკონტროლო ფურცელი, რაც არჩევნების შედეგების ნამდვილობის შემოწმების ერთ-ერთი საშუალებაა.
4. საკონტროლო ფურცელი თითოეული ყუთისათვის დგება 2 ეგზემპლარად და მათზე აღინიშნება შესაბამისი მართვის ორგანოს (მმართველი სუბიექტის) დასახელება და პირველი ამომრჩევლის რეკვიზიტები (სახელი, გვარი, მისამართი), კომისიის ყველა წევრის ხელმოწერა. საკონტროლო ფურცლის თითო ეგზემპლარი რჩება საარჩევნო კომისიაში.
5. არჩევნების პროცესში საარჩევნო ყუთის დაზიანების შემთხვევაში, საარჩევნო კომისია უფლებამოსილია, იმსჯელოს არჩევნების შედეგების ბათილად ცნობის შესახებ, თუ მიიჩნევს, რომ ამან შეიძლება გავლენა იქონიოს არჩევნების შედეგებზე.
6. თუ საარჩევნო ყუთში მისი გახსნის შემდეგ არ აღმოჩნდა საკონტროლო ფურცელი, ან მასში მოთავსებული საკონტროლო ფურცლის მონაცემები არ დაემთხვა საარჩევნო

კომისიაში არსებული საკონტროლო ფურცლის მონაცემებს, არჩევნების შედეგები ცხადდება ბათილად.

მუხლი 32. ელექტრონული ტექნოლოგიით არჩევნების აპარატურული და პროგრამული უზრუნველყოფა

1. უნივერსიტეტის ადმინისტრაცია არჩევნების ჩასატარებლად საარჩევნო კომისიებს უზრუნველყოფს აპარატურული და პროგრამული საშუალებებით. თითოეული ფაკულტეტის საარჩევნო კომისიას გადაეცემა 1 რეგისტრაციის ტერმინალი (კომპლექტი მოიცავს: პერსონალურ კომპიუტერს, დაქტილოსკოპიურ სკანერს და უწყვეტი კვების წყაროს) და 1 ხმის მიცემის ტერმინალი (კომპლექტი მოიცავს: პერსონალური კომპიუტერის სისტემურ ბლოკს, სენსორულ მონიტორს და უწყვეტი კვების წყაროს) მათში ჩატვირთული პროგრამული უზრუნველყოფებით.

2. კენჭისყრის დაწყებამდე პერსონალური კომპიუტერის და ხმის მიცემის ტერმინალის სისტემური ბლოკები ილუქება საარჩევნო კომისიის წევრებისა და დამკვირვებლების თანდასწრებით.

3. პირველი ამომრჩევლის ბიომეტრიულ რეგისტრირებამდე არჩევნების შედეგების ნამდვილობის შემოწმების მიზნით საარჩევნო კომისიის წევრები თანმიმდევრულად ბიომეტრიული იდენტიფიცირების გზით ამოწმებენ „ელექტრონულ საკონტროლო ფურცელს“. პირველი ამომრჩევლის მიერ ხმის მიცემის შემდგომ „ელექტრონულ საკონტროლო ფურცელში“ შეიტანება პირველი ამომრჩევლის საიდენტიფიკაციო მონაცემები (გვარი, სახელი, პირადი #).

მუხლი 33. ტრადიციული ტექნოლოგიით არჩევნების ორგანიზება

1. არჩევნები ტარდება მოცემული არჩევნების ჩატარების შესახებ გამოცემული ინდივიდუალური ადმინისტრაციულ-სამართლებრივი აქტით განსაზღვრულ დღეს.

2. არჩევნების ორგანიზებასა და ჩატარებასთან დაკავშირებულ ხარჯებს ფარავს უნივერსიტეტი.

3. უნივერსიტეტის და ფაკულტეტის ადმინისტრაცია უზრუნველყოფს საარჩევნო კომისიისათვის შესაბამისი ოთახის გამოყოფასა და სათანადო მოწყობას.

4. უნივერსიტეტის და ფაკულტეტის ადმინისტრაცია უზრუნველყოფს საარჩევნო კომისიას სათანადო ბეჭდით.

5. არჩევნების დღეს საარჩევნო კომისიები მუშაობას იწყებენ დილის 9 საათზე.

6. საარჩევნო კომისიების წევრები არჩევნების დღეს დილის 10 საათამდე წილისყრით ინაწილებენ ფუნქციებს. საარჩევნო კომისიის თავმჯდომარე და მდივანი წილისყრაში არ მონაწილეობენ.

7. წილისყრის შედეგად გამოვლენილ უნდა იქნას:

ა) რეგისტრატორი;

ბ) საარჩევნო ბიულეტენის გამცემი;

გ) საარჩევნო ბიულეტენზე ხელისმომწერი (ხელმომწერები);

დ) ამომრჩეველთა ნაკადის მარეგულირებელი (მარეგულირებლები);

ე) საარჩევნო ყუთის მეთვალყურე.

8. ფაკულტეტის საარჩევნო კომისიაში შესაძლებელია მითითებული ფუნქციების შეთავსება.

9. კენჭისყრა იწყება არჩევნების დღეს დილის 10 საათზე.

მუხლი 34. ელექტრონული ტექნოლოგიით არჩევნების ორგანიზება

1. არჩევნები ტარდება მოცემული არჩევნების ჩატარების შესახებ გამოცემული ინდივიდუალური ადმინისტრაციულ-სამართლებრივი აქტით განსაზღვრულ დღეს.
2. არჩევნების ორგანიზებასა და ჩატარებასთან დაკავშირებულ ხარჯებს ფარავს უნივერსიტეტი.
3. უნივერსიტეტის და ფაკულტეტის ადმინისტრაცია უზრუნველყოფს საარჩევნო კომისიისათვის შესაბამისი ოთახის გამოყოფასა და სათანადო მოწყობას.
4. უნივერსიტეტის და ფაკულტეტის ადმინისტრაცია უზრუნველყოფს საარჩევნო კომისიას სათანადო ბეჭდით.
5. არჩევნების დღეს საარჩევნო კომისიები მუშაობას იწყებენ დილის 9 საათზე.
6. საარჩევნო კომისიების წევრები არჩევნების დღეს დილის 10 საათამდე წილისყრით ინაწილებენ ფუნქციებს. საარჩევნო კომისიის თავმჯდომარე და მდივანი წილისყრაში არ მონაწილეობენ.
7. წილისყრის შედეგად გამოვლენილ უნდა იქნას:
 - ა) რეგისტრატორი;
 - ბ) ამომრჩეველთა ნაკადის მარეგულირებელი (მარეგულირებლები)
8. კენჭისყრა იწყება არჩევნების დღეს დილის 10 საათზე.

მუხლი 35. ტრადიციული ტექნოლოგიით არჩევნების პროცედურა

1. კენჭისყრის დღეს ამომრჩეველი საარჩევნო კომისიის რეგისტრატორისაგან იღებს შესაბამის საარჩევნო ბიულეტენს, რასაც ადასტურებს ამომრჩეველთა სიაში საკუთარი გვარის გასწვრივ ხელმოწერით. ამის შემდეგ, ამომრჩეველი მიდის საარჩევნო ბიულეტენზე ხელისმომწერ კომისიის წევრთან, რომელიც საარჩევნო ბიულეტენის შესაბამის ადგილზე აწერს ხელს. შემდეგ ამომრჩეველი შედის სპეციალურად მოწყობილ საარჩევნო კაბინაში. მას შემდეგ, რაც ამომრჩეველი შემოხაზავს მისთვის სასურველი იმდენი კანდიდატის რიგით ნომერს, რამდენი ვაკანსიაცაა გამოცხადებული, (აკადემიური საბჭოს მიერ ფაკულტეტის საბჭოსათვის დეკანობის კანდიდატურების შერჩევისას – არა უმეტეს სამი კანდიდატის რიგით ნომერს), იგი გამოდის საარჩევნო კაბინიდან, საარჩევნო ბიულეტენს აგდებს საარჩევნო ყუთში და გადის ოთახიდან.
2. არ შეიძლება ოთახში ორზე მეტი ამომრჩევლის ერთდროულად ყოფნა.
3. კაბინად შეიძლება ჩაითვალოს აგრეთვე ნებისმიერი განცალკევებული ადგილი, სადაც ხმის მიცემის ფარულობა იქნება დაცული.
4. ხმის მიცემისას საარჩევნო ბიულეტენში სასურველი კანდიდატის ნომრის შემოხაზვა უნდა მოხდეს ერთი და იმავე კალმით, ან ტექნიკური საშუალებით (სპეციალური შტამპით), რის შესახებაც გადაწყვეტილებას წინასწარ იღებს საარჩევნო კომისია სიითი შემადგენლობის უმრავლესობით, ღია კენჭისყრით, რაც ფიქსირდება შესაბამის ოქმში.

მუხლი 36. ელექტრონული ტექნოლოგიით არჩევნების პროცედურა

1. კენჭისყრის დღეს რეგისტრატორი ამომრჩეველს ბიომეტრიული იდენტიფიცირების გზით გაატარებს რეგისტრაციაში და გასცემს ელექტრონულ საარჩევნო ბიულეტენს. შემდეგ ამომრჩეველი შედის სპეციალურად მოწყობილ საარჩევნო კაბინაში. მას შემდეგ, რაც ამომრჩეველი ხმის მიცემის ტერმინალზე გააქტიურებს მისთვის სასურველი იმდენი

კანდიდატის გვარს, რამდენი ვაკანსიაცაა გამოცხადებული, (აკადემიური საბჭოს მიერ ფაკულტეტის საბჭოსათვის დეკანობის კანდიდატურების შერჩევისას - არა უმეტეს სამი კანდიდატის გვარს), იგი გამოდის საარჩევნო კაბინიდან და გადის ოთახიდან.

2. არ შეიძლება ოთახში ორზე მეტი ამომრჩევლის ერთდროულად ყოფნა. კაბინად შეიძლება ჩაითვალოს აგრეთვე ნებისმიერი განცალკევებული ადგილი, სადაც ხმის მიცემის ფარულობა იქნება დაცული.

3. ხმის მიცემისას ელექტრონულ საარჩევნო ბიულეტენში სასურველი კანდიდატის გვარის გააქტიურება უნდა მოხდეს თითოთ ან სტილუსით ან სხვა ტექნიკური საშუალებით.

მუხლი 37. დამკვირვებელი

1. არჩევნების პროცესზე დაკვირვების მიზნით, ფიზიკური და იურიდიული პირები უფლებამოსილნი არიან არჩევნების დღემდე არაუგვიანეს 5 დღით ადრე მიმართონ საარჩევნო კომისიას დამკვირვებლის სტატუსის მოსაპოვებლად.

2. პირი დამკვირვებლად არ დაიშვება, თუ იგი არის:

ა) უნივერსიტეტის მართვის ორგანოებში (მმართველ სუბიექტად) მოცემულ არჩევნებში ასარჩევი კანდიდატი;

ბ) უნივერსიტეტის ადმინისტრაციული თანამდებობის პირი;

გ) ამომრჩეველი ამავე არჩევნებში.

3. პირს, რომელსაც საარჩევნო კომისიის მიერ არ აქვს მინიჭებული დამკვირვებლის სტატუსი, შეუძლია მხოლოდ სათანადო ტექნიკური საშუალებებით აღჭურვილი დარბაზიდან (ოთახიდან) დააკვირდეს საარჩევნო კომისიის მუშაობას (ასეთი დარბაზის არსებობის შემთხვევაში).

4. დამკვირვებელი უფლებამოსილია:

ა) დარღვევის აღმოჩენის შემთხვევაში მიმართოს საარჩევნო კომისიას და მოითხოვოს დარღვევის აღკვეთა;

ბ) მოთხოვნის შეუსრულებლობის შემთხვევაში შეადგინოს დარღვევის ოქმი და წარადგინოს საარჩევნო კომისიაში;

გ) მონაწილეობა მიიღოს საჩივრების განხილვის პროცესში.

5. დამკვირვებელი მოვალეა ხელი არ შეუშალოს არჩევნების ჩატარებას. საარჩევნო კომისია ვალდებულია ხელი არ შეუშალოს დამკვირვებელს.

6. საარჩევნო კომისიის გადაწყვეტილებით, შესაძლებელია არჩევნების დღეს განხორციელდეს არჩევნების პროცესის ჩაწერა აუდიოვიზუალური საშუალებებით. ამ შემთხვევაში ჩანაწერი ინახება საარჩევნო დოკუმენტაციასთან ერთად.

მუხლი 38. ტრადიციული ტექნოლოგიით არჩევნების შედეგების შეჯამება

1. კენჭისყრა დასრულდება არჩევნების დღეს, არაუგვიანეს 20 საათისა.

2. კენჭისყრის დასრულების შემდეგ საარჩევნო კომისიის წევრები ითვლიან საარჩევნო სიებში ხელმოწერების მიხედვით არჩევნებზე გამოცხადებულ ამომრჩეველთა რაოდენობას აკადემიური პერსონალისა და სტუდენტებისათვის ცალ-ცალკე, რაც ფიქსირდება შესაბამის შემაჯამებელ ოქმში, რომელშიც აისახება არჩევნებში მონაწილე ყველა კანდიდატის მიერ მიღებული ხმების რაოდენობა.

3. არჩევნები ჩატარებულად ითვლება, თუ გამოცხადდა აკადემიური პერსონალის საარჩევნო სიაში შეყვანილ ამომრჩეველთა რაოდენობის ნახევარზე მეტი და სტუდენტთა საარჩევნო სიაში შეყვანილ ამომრჩეველთა რაოდენობის მესამედზე მეტი;

გადაწყვეტილება არჩევნების ჩატარებულად ჩათვლის შესახებ აკადემიური პერსონალისა და სტუდენტებისათვის მიიღება ცალ-ცალკე.

4. არჩევნებზე გამოცხადებულ ამომრჩეველთა რაოდენობის დათვლის შემდეგ იხსნება საარჩევნო ყუთი (ყუთები) და კომისიის წევრები ითვლიან საარჩევნო ბიულეტენებს. პირველად იხსნება და ითვლება აკადემიური პერსონალისათვის განკუთვნილი საარჩევნო ყუთი, ხოლო შემდეგ – სტუდენტებისათვის.

5. საარჩევნო ყუთიდან ამოღებული საარჩევნო ბიულეტენები ლაგდება ცალ-ცალკე, აკადემიური პერსონალისა და სტუდენტებისათვის.

6. საარჩევნო ბიულეტენი ბათილია, თუ:

- ა) არ აღმოჩნდა საარჩევნო ბიულეტენზე ხელისმომწერი კომისიის წევრის ხელმოწერა;
- ბ) თუ არ არის შემოხაზული არც ერთი კანდიდატურა;
- გ) თუ შემოხაზულია იმაზე მეტი კანდიდატურა, რამდენი ვაკანსიაცაა გამოცხადებული;
- დ) თუ შეუძლებელია გაირკვეს, რომელ კანდიდატს მისცა ხმა ამომრჩეველმა;
- ე) საარჩევნო ბიულეტენზე სრულყოფილად არ არის მითითებული ამ დებულების 27-ე მუხლის მე-4 პუნქტით განსაზღვრული რეკვიზიტები.

7. ხმების დათვლისთანავე ივსება შემაჯამებელი ოქმები აკადემიური პერსონალისა და სტუდენტების წარმომადგენელთა არჩევნებისათვის ცალ-ცალკე, რომლებშიც შეიტანება შემდეგი მონაცემები:

- ა) ამომრჩეველთა რაოდენობა სიების მიხედვით;
- ბ) არჩევნებზე გამოცხადებულ ამომრჩეველთა რაოდენობა საარჩევნო სიებში ამომრჩეველთა ხელმოწერების მიხედვით;
- გ) საარჩევნო ყუთში აღმოჩენილი საარჩევნო ბიულეტენების საერთო რაოდენობა;
- დ) ბათილი საარჩევნო ბიულეტენების რაოდენობა;
- ე) თითოეული კანდიდატის მიერ მოპოვებული ხმების რაოდენობა;
- ვ) ინფორმაცია საკონტროლო ფურცლის შესახებ;
- ზ) კომისიის ყველა წევრის ხელმოწერა.

8. ფაკულტეტიდან აკადემიურ საბჭოსა და სენატში არჩეულად ითვლება საუკეთესო შედეგების მქონე იმდენი კანდიდატი (კანდიდატები), რამდენ ვაკანტურ ადგილზეც დაინიშნა არჩევნები.

9. უნივერსიტეტის რექტორის, უნივერსიტეტის ხარისხის უზრუნველყოფის სამსახურის ხელმძღვანელის და ბიბლიოთეკის დირექტორის თანამდებობებზე არჩეულად ჩაითვლება კანდიდატი, რომელსაც ხმა მისცა აკადემიური საბჭოს სიითი შემადგენლობის უმრავლესობამ. რამდენიმე კანდიდატის შემთხვევაში, დეკანის თანამდებობაზე არჩეულად ჩაითვლება ის კანდიდატი, რომელმაც მიიღო ყველაზე მეტი ხმა, ხოლო ერთი კანდიდატის არსებობისას, იგი არჩეულად ჩაითვლება, თუ მას ხმა მისცა არჩევნებში მონაწილეთა ნახევარზე მეტმა.

10. უნივერსიტეტის საარჩევნო კომისიის სრული დოკუმენტაცია და ბეჭედი არჩევნების შედეგების კანონიერ ძალაში შესვლის შემდეგ შესანახად გადაეცემა უნივერსიტეტის არქივს, ხოლო ფაკულტეტის საარჩევნო კომისიის დოკუმენტაცია და ბეჭედი კი – შესაბამისი ფაკულტეტის არქივს.

მუხლი 39. ელექტრონული ტექნოლოგიით არჩევნების შედეგების შეჯამება

1. კენჭისყრა დასრულდება არჩევნების დღეს, არაუგვიანეს 20 საათისა.

2. საარჩევნო უბანი იხურება ელექტრონულად, ავტომატურად ჯამდება არჩევნების შედეგები და რეგისტრაციის ტერმინალის მონიტორზე გამოიტანება შემდეგი მონაცემები:

ა) ამომრჩეველთა სიითი რაოდენობა

ბ) რეგისტრირებულ ამომრჩეველთა რაოდენობა

გ) ხმის მისაცემად გამოყენებული ელექტრონული საარჩევნო ბიულეტენების რაოდენობა

დ) ბათილი ელექტრონული საარჩევნო ბიულეტენების რაოდენობა

ე) თითოეული კანდიდატის მიერ მოპოვებული ხმების რაოდენობა

3. არჩევნები ჩატარებულად ითვლება, თუ გამოცხადდა აკადემიური პერსონალის საარჩევნო სიაში შეყვანილ ამომრჩეველთა რაოდენობის ნახევარზე მეტი და სტუდენტთა საარჩევნო სიაში შეყვანილ ამომრჩეველთა რაოდენობის მესამედზე მეტი; გადაწყვეტილება არჩევნების ჩატარებულად ჩათვლის შესახებ აკადემიური პერსონალისა და სტუდენტებისათვის მიიღება ცალ-ცალკე.

4. ივსება შემაჯამებელი ოქმები აკადემიური პერსონალისა და სტუდენტების წარმომადგენელთა არჩევნებისათვის ცალ-ცალკე, რომლებშიც შეიტანება შემდეგი მონაცემები:

ა) ამომრჩეველთა სიითი რაოდენობა

ბ) რეგისტრირებულ ამომრჩეველთა რაოდენობა

გ) ხმის მისაცემად გამოყენებული ელექტრონული საარჩევნო ბიულეტენების რაოდენობა

დ) ბათილი ელექტრონული საარჩევნო ბიულეტენების რაოდენობა

ე) თითოეული კანდიდატის მიერ მოპოვებული ხმების რაოდენობა

ვ) კომისიის ყველა წევრის ხელმოწერა.

5. ფაკულტეტიდან აკადემიურ საბჭოსა და სენატში არჩეულად ითვლება საუკეთესო შედეგების მქონე იმდენი კანდიდატი (კანდიდატები), რამდენ ვაკანტურ ადგილზეც დაინიშნა არჩევნები.

6. არჩევნების შედეგები არქივის გადაიტანება მყარ მატარებელზე.

6. უნივერსიტეტის რექტორის, უნივერსიტეტის ხარისხის უზრუნველყოფის სამსახურის ხელმძღვანელის და ბიბლიოთეკის დირექტორის თანამდებობებზე არჩეულად ჩაითვლება კანდიდატი, რომელსაც ხმა მისცა აკადემიური საბჭოს სიითი შემადგენლობის უმრავლესობამ. რამდენიმე კანდიდატის შემთხვევაში, დეკანის თანამდებობაზე არჩეულად ჩაითვლება ის კანდიდატი, რომელმაც მიიღო ყველაზე მეტი ხმა, ხოლო ერთი კანდიდატის არსებობისას, იგი არჩეულად ჩაითვლება, თუ მას ხმა მისცა არჩევნებში მონაწილეთა ნახევარზე მეტმა.

7. უნივერსიტეტის საარჩევნო კომისიის საკონტროლო პროცედურის ოქმი, შემაჯამებელი ოქმი, არქივი მყარ მატარებელზე და ბეჭედი არჩევნების შედეგების კანონიერ ძალაში შესვლის შემდეგ შესანახად გადაეცემა უნივერსიტეტის არქივს, ხოლო ფაკულტეტის საარჩევნო კომისიის შემთხვევაში - შესაბამისი ფაკულტეტის არქივს.

თავი X. არჩევნების მეორე ტურისა და განმეორებითი არჩევნების ჩატარების წესი

მუხლი 40. არჩევნების მეორე ტურისა და განმეორებითი არჩევნების ჩატარების პირობები

1. თუ უნივერსიტეტის რექტორის, უნივერსიტეტის ხარისხის უზრუნველყოფის სამსახურის ხელმძღვანელის ან ბიბლიოთეკის დირექტორის არჩევნებში მონაწილეთაგან ვერც ერთმა კანდიდატმა ვერ მიიღო ხმათა საჭირო რაოდენობა, არჩევნების ჩატარებიდან

ერთი კვირის ვადაში ტარდება არჩევნების მეორე ტური მხოლოდ იმ პირთა მონაწილეობით, ვინც მოაგროვა ხმების მაქსიმალური (მეტი) რაოდენობა.

2. თუ მართვის ორგანოების არჩევნებში მონაწილე რამდენიმე კანდიდატმა (რომელთა რაოდენობა მეტია მათ მიერ დასაკავებელ ვაკანსიათა რაოდენობაზე) დააგროვა თანაბარი რაოდენობის ხმები და მათ შორისაა გასაკეთებელი არჩევანი, მათი მონაწილეობით ერთი კვირის ვადაში ტარდება არჩევნების მეორე ტური. არჩევნების მეორე ტურში არჩეულად ჩაითვლება საუკეთესო შედეგების მქონე იმდენი კანდიდატი, რამდენი ვაკანსიაცაა წარმოდგენილი ამ ტურში.

3. თუ არჩევნების პირველ ტურში არჩევით თანამდებობაზე მონაწილეობდა მხოლოდ 1 კანდიდატი და მან ვერ მიიღო ხმების საჭირო რაოდენობა, ან არჩევნების მეორე ტურშიც ვერ გამოვლინდა გამარჯვებული, დარჩენილ ვაკანსიებზე ერთი კვირის ვადაში ინიშნება განმეორებითი (ხელახალი) არჩევნები ამ დებულებით განსაზღვრული ყველა შესაბამისი პროცედურის სრული დაცვით.

თავი XI. არჩევნების საბოლოო შედეგების გამოქვეყნება

მუხლი 41. საბოლოო შედეგების გამოქვეყნება

1. საარჩევნო კომისია არჩევნების საბოლოო შედეგებს აქვეყნებს არჩევნების დასრულების დღეს, მისი ჩატარების ან/და ყველასათვის ხელმისაწვდომ ადგილზე.

2. არჩევნების საბოლოო შედეგები ძალაში შედის გამოქვეყნებისთანავე.

თავი XII. არჩევნების პროცედურისა და შედეგების გასაჩივრების წესი

მუხლი 42. არჩევნების შედეგების გასაჩივრება

1. თუ ამ დებულებით სხვა რამ არ არის დადგენილი, არჩევნების შედეგების გამოცხადებიდან 1 სამუშაო დღის განმავლობაში არჩევნებში მონაწილე კანდიდატს, დამკვირვებელს, საარჩევნო კომისიის წევრს ან შესაბამის ამომრჩეველს უფლება აქვს შეიტანოს საჩივარი ამ დებულებით დადგენილი წესის დარღვევასთან დაკავშირებით შესაბამის საარჩევნო კომისიაში. ამ ვადის გასვლის შემდეგ საჩივრები არ მიიღება.

2. საჩივარი უნდა შეიცავდეს შემდეგ რეკვიზიტებს:

ა) საჩივრის შემომტანი პირის სახელი, გვარი, მისამართი;

ბ) საჩივრის შემომტანი პირის სტატუსი (არჩევნებში მონაწილე კანდიდატი, დამკვირვებელი, საარჩევნო კომისიის წევრი, ამომრჩეველი);

გ) დარღვევის შინაარსი;

დ) მოწმეების ვინაობა (იმ შემთხვევაში, თუ არსებობენ მოწმეები, რომლებიც დაადასტურებენ ამ ფაქტობრივ გარემოებას);

ე) საჩივრის შემომტანი პირის მოთხოვნა;

თ) საჩივრის შემომტანი პირის ხელმოწერა.

3. საჩივარს თან უნდა ერთვოდეს დარღვევის ოქმის ასლი, ასეთის არსებობის შემთხვევაში.

4. საარჩევნო კომისია ვალდებულია საჩივრის შეტანიდან 3 დღის განმავლობაში განიხილოს საჩივრები და მიიღოს სათანადო გადაწყვეტილება.

5. არჩევნების ბათილად ცნობის შესახებ გადაწყვეტილებას საარჩევნო კომისია იღებს იმ შემთხვევაში, თუ მიიჩნევს, რომ ამ დებულებით დადგენილი წესის ან/და საარჩევნო

კომისიის მიერ საარჩევნო ბიულეტენების დათვლის პროცესში გამოვლენილმა დარღვევამ არსებითი გავლენა იქონია არჩევნების შედეგზე.

6. საარჩევნო კომისიის გადაწყვეტილება შეიძლება გასაჩივრდეს სასამართლოში კანონმდებლობით დადგენილი წესით.

თავი XIII. გარდამავალი დებულებები

1. უნივერსიტეტის სამართლებრივი სტატუსის ცვლილებასთან დაკავშირებით, უნივერსიტეტის აკადემიური საბჭოს, სენატის, რექტორის, უნივერსიტეტის ხარისხის უზურნველყოფის სამსახურის ხელმძღვანელის და ბიბლიოთეკის დირექტორის პირველი არჩევნების დანიშვნის თაობაზე შესაბამისი ადმინისტრაციულ-სამართლებრივი აქტები გამოიცეს არა უგვიანეს 2012 წლის 31 იანვრისა, ხოლო ფაკულტეტის დეკანების არჩევნების დანიშვნის თაობაზე – არა უგვიანეს 2012 წლის 1 მარტისა.

2. პირველი არჩევნები ჩატარდეს არჩევნების დანიშვნის თაობაზე შესაბამისი ადმინისტრაციულ-სამართლებრივი აქტებით განსაზღვრულ გონივრულ ვადებში, ამ დებულებით დადგენილი წესების შესაბამისად.